

# ABAKWA-SARS BAFOHLOZE 26 WEZIMOTO EZINGEKHO EMTHETHWENI EKULWENI NOKUNGATHOBELI

**Durban, 23 kuLwezi 2018** – Ekuseni namuhla, aboPhiko lweziMali eziNgenayo eNingizimu Afrika (SARS) bafohloze izimoto ezingekho emthethweni njengengxenye yetulo lokuvimbela ukungathobeli emikhakheni eyehlukene eMnyangweni wokuThelisa.

Lokhu kulandela ukhukhulelangoqo wezinsuku ezimbili wohulumeni ababili obuseThekwini namaphethelo wokulwa nokuhweba okungemthetho.

Kunyakamali odlule, abasebenzi boMnyango wokuThelisa eKZN sebedle izimoto ezingama-26 ngokwephula imithetho okwehlukene kanti manje lezi zimoto seziwele ezandleni zombuso emva kokulandelwa kwezinqubo ezifanele zezomthetho. Sezizonke inani lazo uma zithengiswa zingacishe zifinyelele ku-R4 million.

Ukungeniswa kwezimoto esezike zasetshenziswa ezingeniswe ezweni akuvulelekile eNingizimu Afrika. Ngaphambi kokuthi izimoto zingeniswe eNingizimu Afrika, ikhasimende kumele liqale lithole imvume yokungenisa impahla ezweni etholakala kuKhomishana oweNgamele ukuHweba kweziZwe liphinde futhi lithole iNcwadi eGunyazayo ku-National Regulator of Compulsory Specification.

Kuqala, izimoto ezibanjiwe esezike zasetshenziswa ezingeniswe ezweni zazidayiswa endalini yoMnyango wokuThelisa njengezithelekiswayo, kodwa lezi zimoto njalo nje zazizithola sezibuyele eNingizimu Afrika. Ngokungangabazi lokhu kunomthelela embonini yakuleli ekhiqiza izimoto, okuyimboni enesandla esingaba u-7.5% kusambamkhiqizo sezwe. Le mboni ebalulekile ithinteka kakhulu ngenxa yokuncintisana okungenabulungiswa obudalwa ukutheleka kwezimoto esezike zasetshenziswa.

Kulezi zimoto ezingama-26 esezwele esadleni sombuso kulo nyakamali eKZN, ezine zazo zifohlozwe namuhla kanti eziyi-15 zisanda kufohlozwa emasontweni odlule. Ezisele zizofohlozwa lapho okuzobe kuqaphe khona uMnyango wokuThelisa kulawa masonto ezayo.

Kuzolandelwa inqubo efanayo ezweni lonke, nokuhlelwe ukuba kulandele i-Gauteng bese kuba yiLimpopo. Okwamanje zingama-317 izimoto esezwele ezandleni zombuso kuzwelonke kulo nyakamali.

Ukhukhulelangoqo obonakalayo wezinsuku ezimbili (20 no- 21 kuLwezi) osendaweni yaseThekwini ufake neminye iMnyango kaHulumeni efana ne-SAPS, Immigration, Cross Border Road Traffic Agency kanye ne- EThekwini Metro Police.

Obugxile kukho kakhulu lo khukhulelangoqo bekuwukuvimbela ukungathobeli uma kukhulunywa ngokungeniswa/ngokuthelekiswa kwezimpahla, ukushushumbiswa kwezinto ezingekho emthethweni kanjalo nokugcinwa/nokuthuthwa kwezimpahla esezike zasetshenziswa.

Ububandakanya nezimvimbamgwaqo ezindaweni ezaziwa ngokuba yingozi, ukuhlolwa kwamakhontena, izimpahla, izindlu zokugcina izimpahla eziyizibambiso, ukuqapha, izindawo zokuhlola izimoto, ukuhlolwa emasangweni kanjalo nokupeqululwa kwemithwalo.

Kuze kube manje, umphumela wokhukhulelangoqo ubandakanya:

- Ukuboshwa kwezimoto esezike zasetshenziswa ezingeniswe ezweni ezingama-260 ukuze kuqhutshekwe nophenyo lokuthola ukuba semthethweni kokungeniswa kwazo ezweni. Zatholakala ngesikhathi kuphenywa izindlu ezimbili zokugcina impahla ebanjisiwe yoMnyango wokuThelisa mhla zingama-20 kuLwezi. Lezi zimoto zivumeleke ukuba sezindlini ezigcina izimpahla ezibanjisiwe iminyaka emibili ngaphandle kokukhokha intelo. Kodwa-ke, sezidlulelwe isikhathi okusho ukuthi bese zephula imibandela yemvume
- Ukubanjwa kwezimpahla ezisolwa njengezimpahlambumbulu ezingalinganiselwa ku-R6 million e-King Shaka International Airport (KSIA) mhla zingama-20 no-21 kuLwezi. Izimpahla zatholakala ngenkathi kunokuphenya okungahleliwe ohlangothini lwezimpahla ku-KSIA
- Ukutholakala komthunzi wezinkukhu ongu-30kg uma ucindezelwe emotweni eyamiswa kumvimbamgwaqo ebiso-Tongaat mhla zingama-21 kuLwezi. Umthunzi wezinkukhu, owawupakishwe epotimendeni ebhuthini yemoto, wahlonzwa izinja ezihogelayo zoMnyango wokuThelisa. Inani lawo lilinganiselwa ku-R2 million
- Ukuhlola esangweni lasechwebeni lase-Durban mhla zingama-20 kuLwezi kwaholela ekutholakaleni kwamanabukeni okusolwa ukuthi angamanabukenimbumbulu ayepakishwe kukhontena engu-40ft . Azothululwa namuhla ukuze kuhlonzwe ubuqiniso bawo.

Ukusebenzisana ngokubambisana neminye iminyango kaHulumeni, uMnyango wokuThelisa uzoqhubeka nalo khukhulelangoqo ezweni lonke ukuze ubhekane nohwebo olungemthetho kubona bonke abasebenzisana noMnyango wokuThelisa ukuze uvikele umnotho nomphakathi.

Ukuze ubone imifanekiso, cofa lapha.